



kat.kom.

40587

I


Mag. St. Dr.

P

hang.

Fest. 3180.

Stepanowski Cypran: Novus Salomon
Sanctissimus Praeceptor Doctor Angelic-
us —



NOVVS
SALOMON

SANCTISSIMVS PRÆCEPTOR
DOCTOR ANGELICVS
ET ECCLESIAE.

Pro posse humano laudibus euectus,

ET

Ad ædes Prædicatorias S. P. Dominico dicatas
Posnaniæ peroratus.


PER

Fratrem CYPRIANVM STEPHANOWSKI
Professum eiusdem Ord.

Anno Domini 1640. die 7. Martij.



POSNANIÆ,
IN OFFICINA ALBERTI REGVL.



In bina constringit soleam crux intus & extra
 Stemmata Baykowski vendicat ista sibi
 Nobile pectus habet solea quod lamina signat
 Viribus infracta, crux bina semper adest
 Crux interna fides est, quam sub pectore gestat
 Gestat & externam minus at ista notat

40587

71



ILLVSTRISSIMO & REVERENDISSIMO
DOMINO.

D. IOANNI
DE ZALESIE
BAYKOWSKI

DEI & SANCTÆ SEDIS APOSTOLICÆ
Gratia. Episcopo Ennensi. Archidiacono
Szrzeni. Suffraganeo Poseniensi.

Domino Fautori Studiorum & Patrono colendissimo.

Fr. CYPRIANVS STEPHANOWSKI Professus Ord. Præd.
perpetuam perennitatem precatur.



VM omnium penitus animos sublimēs Tuæ virtutes
occuparet ILLVSTRISSIMÆ & REVEREN-
DISSIMÆ D. tum etiam hæc non postremum locum
sibi vendicare videtur, quod integritatem & dignitatis
& vitæ cum summa doctryna & animi magnitudine co-
pulareris; nam eo ipso Tuas ILLVSTRISSIMÆ
& REVERENDISSIMÆ Celsitudinis virtutes, inter se cognatas ac
collocatas, sub vnũ adductas illustras, rectiusq; ac ad facilius inuestigandum,
non solum quibuslibet, sed & mihi fama earundem laudabilem, ac quotidiana
experientia edocto, longius laudandi præbes argumentum; Tantum enim in
me ILLVSTRISSIMÆ & REVERENDISSIMÆ Celsitudinis Tuæ laus
A 2 & fama.

¶ fama boni nominis, calcar stimulumq; excitauerunt, ut demandatū mihi & commissum munus laudatorium, Noui Salomonis (cuius sicut scientia, ita & Virtutes apud te primas tenent) perorandum ab A. R. P. F. Antonio Winko Sac. Theol. Bac. ac studij nostri Regente, cuiam offerre deberem, non cuiuis alteri, sed Tuæ Illustriss. & Reuerendiss. Celsitudini, de iure, & merito videbatur: tum propter non vulgarem erga nostrum Ordinem à multo intervallo tēporis conceptā beneuolentiā, apertissimè & clarissimè comprobata, tum etiā propter tuas animi dotes eximias, quæ aded maximæ præstantissimæ atq; innumerae in Tua Illustrissima & Reuerendissima Celsitudine reperiuntur, ut exercitissimum quemq; possint euincere, & in dicendo peritissimis, locum vix relinquunt. Etenim tantam in Te ut vidi erga omnes comitatem, affabilitatem, erga pusillos humanitatem, in omnibus operibus consilij & optimi iudicij rectitudinem, mores honestos doctrina adornatos, viribus me propemodum destitutum præ admiratione cognoui. Verum quidem est multos alios Principes virtutibus claros effulgere, sed cum affabili in omni conuersatione mansuetudine rarā Phenicem temetipso reperiri fas est, quæ Te aded illustrat ut neq; Hesperus, neq; Lucifer in cali regione, ut hæc virtus in Te maximè apparet admirabilis. Nam si velimus perpendere vim, eā & ciuitates contineri, & Regna, multos fecisse Principes immortales discimus, illa deficiente Principum Dominia & Regna corruisse legimus. Quantum verò Illustrissime & Reuerendissime Domine illa & singulari humanitate, ne dicam Ordinem meum sed & alios, ne dicam alios, sed omnium Christicolarum animos Tibi conciliaueris ac deuiceris, omnes uno fatentur ore ac admirantur: ut & ego ipse ubi campus se mihi offert spaciosissimus & fertilitate magna addicendum facundissimus loqui nequeam. Nec inmerito, agnoui enim te Illustrissime & Reuerendissime Dñe, aded sapientiā esse instructum, (quodq; maximè cuilibet Præsuli necessum est vtriusq; iuris titulo gaudere,) celsam, firmā, ac saluberrimam doctrinam, Noui Salomonis, Præceptoris Sanctissimi, Principis ac Parentis Theologorum, Doctōris Angelici & Ecclesiæ sēctantem, ut parem in numerum tuum, coaptare difficillimū sit; ea efficis, ut qui Te cōtemplatur, bonis instruatur moribus, Christianissimè viuatur, Catholicissimè se in omnibus cōponat, eis commodis subuenis exemplis, speculū enim ad imitandum in quouis gradu dignitateuē moribus Sanctissimis virtutibus integri-

mis in tota Polonia effectus es. Agnouit & tota communitas nostra, quod
quemadmodum Nouum Salomonem Sanctissimum Doctorem Angelicum &
Ecclesie summo prosequeris honore, in Prædicatoria familia educatum, non
immemor ceterorum, Te clementem, piūq; nobis omnibus præstas, quippe
quod maximum est, nullum liberalitatis, humanitatis, munificentie munus
prætermittis, atq; ita Tuam in nos charitatem, atq; munificentiam perspe-
ctam exploratamq; habemus, ut nemini nostrum dubium moueat, quin nos o-
mnimode amare prosequi velis. Hanc itaq; Illustrissime & Reuerendissime
Dñe, laudem Doctōis Sanctissimi opella aliqua mea elaboratam, sub auspica-
to Nomine Tuo dicatam, per humanē suscipito, eius Sanctissimi Præceptoris v-
tere colloquio, sitq; Tibi in omnibus clarissimis & excellentissimis dictis &
factis Tuis comes fidelissimus, maleuolorum inmatator, inimicorum prostra-
tor, qui nunc iam prout Religiosus ex paupere diues (velut Iob) ex humili
in signis (tanquam Mardochæus) regnans in cælis effectus est. Recipe itaq;
Illustrissimè & Reuerendissimè Dñe, hunc Summum Præceptorem Doctōrē
Angelicum & Ecclesie, Nouum Salomonem, aquam è Diuinis puteis, tibi
proferentem ad sufferrenda maiora Reipub. Polonæ onera, ad sublimiores obe-
undas dignitates, & me fratresq; meos amore non dedigneris prosequi. De-
us, O, M. ILLUSTRISSIMAM & REVERENDISSIMAM celsitudinem
Tuam vitæ incolumitate & nominis æternitate ad sui Sacrosancti Nomi-
nis laudem ornatam ac illustrem esse velit, Vale, & viuas diu felix.

Suæ Illustrissimæ ac Reuerendissimæ

Celsitudinis
Sæcululus
&

apud Deum exorator

Idem qui supra

2151173

1874



SERMO ECCLESIASTICVS
IN NOVVM SALOMONEM SANCTIS-
SIMVM PRÆCEPTOREM D. THO. AQVI-
NATEM DOCTOREM ANGELICVM & ECCLESIA.

SI præclaro ingenio pariq; eloquentia fretus essem ILLV-
STRISIME D. omnium virtutum genere cumulatissime,
officium dicendi in laudem tanti splendoris orbis Christia-
ni eminētissimi, Decoris eximij Ordinis Prædicatorū, Prin-
cipis Theologorū, Sanctissimi Thomæ Aquinatis, facile me
adimplere posse crederem; at quoniam tam arduum tamq;
difficile negotiū, verendū mihi est, ne in hoc amplissimo ad dicendū loco
splendor ac dignitas sapientiæ, Prouinciarū externarū & nostrarū Patroni,
ingenij mei tenuitate, verborumque inopia imminuatur; Eius enim mu-
nus Ætna grauius obeundū, dic hodierna mihi mandatū est, cuius sapi-
entiam inenarrabilem Salomone maiorem, Liuius monumentis literarū
exarare vix valeret, verbis comprehendere Demosthenes, præclaro delectu
verborum Plutarchus explicare, cui ex disertissima ipsiusmet Tulij officij
na disertissimi Oratores essent deligendi; reuerberat penitus meos oculos,
delicias Angelorum admirantes, interpretem Diuinarum virtutum spectan-
tes, splendor lucidissimus, feruoris in DEVM, maiestatis virtutū obruit pro-
culq; repellit. Nam si Eloquentissimos olim Oratores eum ad dicendum
disserendumuē venissent vnius hominis aspectu ita conturbatos fuisse acce-
pimus, vt obmutescerēt; quomodo ego qui neq; ingenio, neq; industria, neq;
vfu aut exercitatione parem me illis sentio, in tanti fulgoris aciem mentis
meæ dirigam? ad quem modum hoc splendidissimum iubar intuebor? Re-
splenduit ille sicut sol in templo Dei. cheu me incendio eius consumi vere-
or. si enim ad laudes eius accessero eloquendas, niuis instar frigida disolui
pertimesco. Resplendens iste sol radijs obcæcat visum, quomodo oculos æ-
gros attolam ad eum meos? Quomodo lingua mea balbutiente nominis e-
ius magnitudinem declamabo? Infantissima lingua mea, quæ coinquinata
est cum mortuis, incircumcisa labijs, nec purgata igne Altaris, quid dignū
laudi eius pote rit depromere? Tamen amor superans timorē, & ardor cō-
templan-

templandi, vincens ignorantiam, me atcolit, vt & ego vel minimam scintillam radorum attingam eius; clarorum siquidem hominum eximias virtutes, & praeclara facinora commemorare, tam iustum, quam pulchrum, atq; iucundum facillimumq; est, vt propterea etiā mihi omnimodē indiffero atq; impolito, non adeo tamen (Decus orbis Christiani, Lumen Ecclesiae, Diuinissimum virum, eius vitae speculum, ac normam omnifariam admirandā, cuius laudis dies hodiernus depromptus est, quamq; tot Oratores Prædicatores celeberrimi ac eximij, Magnates potentissimi Beatissimi ipsi summis laudibus celebrāunt) mihi videatur perplexū laudare atq; difficile. Hæc enim si quis ita se tractare posse confidat, vt rerum magnitudini orationis pulchritudo respondeat, cum oportet aut ita exercitatum esse in dicendo, vt facultate sua fretus, nihil sibi difficile atq; arduum putet; aut ita inexercitatum, vt errore ductus, rerum pondera & momenta satis acutē atq; intelligenter perspicere ac diiudicare non possit. Neq; mihi alia res vlla percussum ac debilitatū hac cogitatione animum erigit ac confirmat, quam quod mihi apud vos dicendi munus demandatum est, qui tantum sapientia valetis, vt quanti quæq; res sit ex natura ipsius, non ex iis quæ de ea dicuntur ponderetis, & eā lenitate ac mansuetudine polletis, vt eis qui potius, quam officium deferant, eius onere opprimi malunt, facile ac libenter ignoscatis. Etenim beneuolentia vestra fretus, plus feram quam me ferre posse intelligo, tanta enim magnitudo rerum, tanta copia se offert, vt neq; possit quisquam (ne si mentiri velit) maiora confingere, neq; vera confectans, omnia tam breui temporis spatio persequi. Demonstrabo igitur Solem hunc lucidissimum, Decus eximium, electum ab vtero, Sanctum à puero, esse Nouum Salomonem, cuius scientiam, doctrinam, sapientiam, vniuersitas Philosophorum, Medicorum, Iure consultorū, Theologorum, est exosculata. Te nunc obnixè rogo ILLVSTRIS SIME D. faueas beneuolē attendendo; Tuq; cuius solennia colimus nominis sui collatori inunge collirio oculos meos, & ne videar deferere Angelorū Dominam cuius ope ipse auxiliatus est, soluo honori Elogium.

*Alma parens, tu nos custodi & numine Sancto
Fautori asser opem Diua benigna tuo.*

Miraris forte Ill. D. quidnam importet comparatio viri Diuinissimi, Pauperissimi, Religiosissimi, cum maiestate Regis maximi Hæbreorum Salomonis, cuius diuitias potentiam, currus & æquitatus admirati sunt Reges

terræ, cuius maiestatem, sapientiâ, mirabatur Regina Austri, cuius lectulâ sexaginta fortes ambigebant, omnes tenentes gladios, & ad bella doctissimi. Sed non mireris. *III. D.* modo velis aures beneuolas præbere, licet enim Salomon præferat Coronam Regiam, inceslus, apparatus pomposos, adumbratos tamen vanitate; cernere autem meum Diuinissimum Virum si velis, Regio è sanguine ortum, auream in capite gerentē coronam, vestitum bysso & purpura aduertas; hac insignitum cum adhuc à pueritia constat, vel inde, dum à nutrice in balneo cum schedula inuentus esset, idq; nactus est perficere, cui vir togatus nō valuit satisfacere. Virilem si requiris eum? Princeps Prouinciarum, circumdata varietate Ecclesia inquam S. vt vidit sapientiam eius, tota effusa est in admirabiles laudes filij sui; nec Spiritu deficit, vt olim Saba, sed toties quoties memoria dilecti sui recurrit, agit gratias Dño in excelsis, repudiat Salomonem antiquum, (qui cū iuueniles ageret annos, omnia bona illaue honesta matri suæ pollicebatur, adultus vero quidquid nefandi inueterati sceleris excogitari poterat perpetrabat) gaudet laudando Salomonem Nouum, percurrit facta, scripta, opera eius, quem quot articulos tot miracula fecisse acclamat. Et vt olim Roma suos Duces: Camillum, Fabricium, Scipionem. Philosophi: Pithagoram, Socratem, Platonem, Aristotelem. Poetæ: Homerum, Virgilium, Menandrum, Terentium. Historici: Thucydidem, Sallustium, Herodotum Lium. Oratores: Lisiâ, Græcos, Demosthenem, Tullium. Statuarij, Architecti, Naucleri, Nauarchæ vt cæteros præteream, suos se habere gaudebant Apellē, Dedalē, Iasonē, ita illa de suo gloriatur Thoma Aquinate. Regina inquam à dextris Dñi, Domina gentium, splendorem & maiestatem sui Dgstoris, quasi Noui Salomonis, vt primum vidit, tantumq; filium sapientiæ, & perfectissimum decore, stupet & miratur, & vt tantum Doctorem clarissimum, qui refulsit sicut sol in templo Dei, omni lapide prætioso vestiuit, & ornauit, circumdedit varietatibus, & quibus potuit donis gratiæ cumulauit: ita extulit, vt qui eum velit intueri, asseret non defuisse ipsi (quod Salomoni mater S. denegauerat) visum delectantem honestatem Smaragdinam. Qui clarum velit videre, videbit non defuisse claritatem Carbunculinam, Qui candidum, certo certius affirmabit, non defuisse huic sereno cælo Saphirinum candorem, manibus flammam illuminantem Beryllinam. Venustatem corporis si videre velis? non defuit nigredo oculorum, vim ad admirandum mirabilia congregans Onichina, Faciei non defuit fulgor aureis Chrisolitinus, visum & oculos clarificabat viriditas Iaspidis coloris æthereus, Sardius deniq; suppedibat ruborem

bores & ardorem, & vt alias dotes animi præteream. Omnis lapis præti-
tus operimentum, SSmi Doctoris fuit. Quis ergo non admirabitur tan-
tam gloriam? quam (vt ipse aiebat) per donum gratiæ obtinere meruit.
obtinuit summa capere, præualuit eadem nobis nunciare, electorum ho-
minum merita transcendit, effugauit malignos spiritus, mira signa efficaci-
ter operatus est, dominabatur in semetipso cunctis vitijs, sui & aliorum
facta discutiebat, sapientia & scientia maxima pollebat, quam potius in-
fusam non acquisitam eum habuisse constat, amoris & contemplationi
face accensus, in solo Conditoris desiderio anhelabat. Quis inquam non
attonitus miretur? & vt olim enarrante Aenea pericula maris rerumq; di-
scrimina.

Conticuere omnes intentiq; ora tenebant,

Quis totus in admirationem non rapitur? nam si eius egregias animi do-
tes, insitasq; virtutes inquirere contendimus, tot tantisq; exemplis eius
vitæ abundamus, vt nihil horum quæ ad augendam eam conducunt de-
ficiat. Cæterum ne quemadmodum in artificibus exemplariorum pela-
gus, nostræ quidem considerationis oculos hebetet, egenosq; efficiat, vt e-
ius vitam æmulari & docto (vt aiunt) penicillo interna mentis nostræ ef-
figiare ad eius exemplar possimus, e tam ampla Ecclesiæ Sanctæ syluâ, v-
num ego censeo, qui non solum Salomonem, sanctitate, miraculis, sapien-
tia, superauit, quâ meruit effici æternus Doctor Angelicus & Ec-
clesiæ, sed quidquid olim Sapientissimi Sanctissimi, Religiosissimi oculis
omnium Christicolarum obijciebât, Vir Sanctissimus Religiosissimus suo
comprehendit ingenio. Intueri enim & reperiri licebit Sapientiam mira-
bilem Dionisij Areopagitæ, Athanasij rationes, delectum verborum Græ-
gorij Nanzianzeni, allegorias Origenis, sententias Cypriani, ingenium Au-
gustini, (qui eum parem in gloria sibi affirmauit, sed quod clarius est,
virginali maiorem pudicitia,) eloquentiam Ambrosij, notitiâ lingua-
rum Hieronimi, ignitum Ignacij spiritum, ac vt paucis multa com-
plectar, quidquid possunt habere, & continent Sanctissimi Doctores,
quorum quidam Extatici, Seraphici, Subtiles, meruerunt appellari, totum
id Decus eximium Religionis meæ comprehendit; talis procul dubio Di-
uinissimus Athleta effectus est, qui nimirum eum quem inter sydera sol,
inter volucres Aquila, inter belluas Behemoth, inter gigantes Athlas, inter
Israeliticos Saul, inter Principes Theologorum dignitatis gradum & lo-
cum iure sibi vendicat. Eo sanè nemo Sanctior, eloquentioruè, & omni
discipli

disciplina promptior, cui tam sublimis ingenij acies, tam immortalis memoria, tam in dicendo viuax acrimonia, in Religione pietas obedientia atq; obseruantia, vt inter mortales nec primum similem visus est, nec forte habere sequentem. quò factum est, vt quidquid eius operà, in lucem prodijt subtile admodum sit, copiosum, succulentum, omnem redolens, in Sanctissimam Trinitatem, Beatissimam Mariam V. SS. omnes, religionem, animos ad pietatem afficiens, & Angelica scientia quosque erudiens, delectans, illiciens, transformans; nihil enim eū constat docuisse, aut vnquam scripsisse, quod prius oratione à Deo non impetrauerit. Quæ quidem pietas & doctrina creuerunt ab ineunte ætate, acquotidie in meliorem se florē exhibere in eo non desistebat; Crescebat sapientia Sanctissimus vir Doctor Angelicus & Ecclesiæ, cū præfertim illusus à fratribus, consanguineis, licet in carcere apud Parentes positus, Fallaciariū, non adolescente, sed quouis sene doctissimo, dignissimū opus composuit, Totā perlegit Bibliā, Sententiarum librum per illud tempus edidit; Crescebat & pietate; religione in DEVM, nam non aliter quam in Monasterio totus orationibus deditus, ieiunijs, vigilijs, ac cæteris corporis macerationibus vacauit; Sorori quæ ad illum crebro veniebat vt à Sancto proposito fratrem auerteret, ita suis verbis & adhortationibus rerū terrenarū contemptū, ac verius odiū ingenerauit, vt ab ijs tanquā ex diro aliquo ergastulo, aut imminenti quodam naufragio. aufugerit; maxime vero cum suam in Dominum DEVM pietatem declarauit, cum vbi fratres germani audissent, nulla ratione de sententia moueri potuisse eius inflexibilem animum; tantam iniquissimo animo constantiam; ferentes, non desistere iurgiis, iniurijs, terroribus, ab incepto, eum detertere atq; maiori iræ accensi, Sacrum iterum habitum Predicatorum Ordinis dilacerauerunt, vt saltem pudore captus, illum deponere cogeretur sed cum omnes conatus suos irritos cernerent, maior fratrum indignatio & admiratio; iamq; non valentes vi & virtute maiori virum, venit in mentē, Iuuenē alia aggredi via & nouo atq; difficili pugnæ genere florem ætatis inuadere; calidissimum subordinarunt scortum, & ad solum, & ad cubiculum, vt blandicijs ac illecebris, Sanctum tentaret adolescentem Quid faciendū sentitis A.O. mundus cum suis conatur decipere, decipiendo prostrernere, & quasi Philistæus in arenam descendere cum sancto Adolescente; quid hic ageret pudicissimus Adolescens diabolicis illecebris ab impurissimo scorto circumdatus; sed non desuit consilium, ineundum putauit certamen periculosum, in arenam descendit pugnaturus cum eo cui mille nocendi artes, & non sefellit eum eius opinio; etenim fauentibus

Diuinis auspiciis, & amatore castitatis purissimo cooperante, præcidit
Diuinissimus Athleta enses districtos, caput scelerato Philistæo amputa-
uit, vñ enim mulier iuuenem aggressa est, arrepro ardenti torse magno,
cum impetu de cubiculo expulit, & ita de ingenti ac plena discriminis pū-
gna cum summa laude victoriam reportauit. O victoriam laudabilem,
o mentem resolutam. Alter Achilles, aut tanquam veteranus miles, e-
exercitatus innumeris periculis & calamitatibus, suam retulit victoriā.
Obstupefcite super hoc & admiramini Adolescentus Sæcti cōstantiā veteres,
qui tot suis victoribus statuas erexistis aureas, lapideas, plumbeas, æterno
æub duraturas: qui tot victores suos virentibus baccis, floridis coronis, au-
reis diadematibus coronastis; qui suis victoribus triūphales arcus, pyrami-
des præaltas miro artificio erigere, aliis altaria surgere, quibusdā incensa &
munera certis temporibus offerri mandastis. Egredimini & videte arma-
nū fortiā alicuius militis, num galeas, nū arcus, & tormenta bellica; arma
nō ex acie prælij decerpta sed ex acie virtutis. Fortē putabitis aliquē ex Go-
liath vicisse? victoriam enim grandeus, vos adscribi certum est. Forte
suspiciabimini, Macedonem, Alexandrum, aut Octauium in arenam de-
scendisse & vicisse, qui laudem victoriā ad posteros sibi comparant, sed
vos fefellit spes & opinio. Ecce Adolefcens Prædicatorius supra ætatem
animum virilem gerit, astutias aspidum & basilisci calcatur, draconis infer-
nalis os obturat. Obstupefcere Salomon animum, arma non ex arma-
mentarijs Cræsi, Cæsaris, Traiani, Octauiani desumpta, sed ex armamen-
tariis virtutis. O Tyrorem iuuenem Achille, Alexandro, fortiozem O pu-
erum non humanum sed Diuinum, in te miles ac Athleta cælestis extol-
lendo iam deficio. Nondum eras par laboris per ætatem scientiarum, &
iam ornamenta maximorum virorum possidebas, in te virtus non expe-
ctabat ætatem, in te cum ætate creuit virtutum cumulus. Sed vt ad do-
ctrinam infusam potius quam acquisitam redeam, creuit & sapientia, et-
enim non solum cōfiscatus (à Sanctis Apostolis Petro & Paulo, S. Au-
gustino & Beatissimo Dominico Patre ac Patriarcha nostro) proponen-
di materiam nactus est, sed etiā quantus & quam quā vtilis, in Ecclesia
Dei futurus esset apparuit, quoniam ex ijs, quæ de montibus Diuinæ spe-
culationis accepit, totum quasi Ecclesiæ agrum irrigauit, quia quam pas-
sim diffusa sit vtilissima & Diuina Sancti viri doctrina, quantum Sacris
scriptis lumen sit additum, quamq; facilem sensum ad illorum sensa per-
cipienda monstrauerit, nemo est quem lateat. Fidem præstant locuple-
tissimam innumeri, qui relictis gentiliū statis atq; ritibus, seposita quoq;
eorum

eorum barbari ferocitate, dum Sanctissimi Præceptoris Sapientiæ fa-
cundia per vn̄uersum orbem tumultuaret, apertis scripturarum præptu-
arijs doctrinæ eius odore delibuti, quam in docendo contra Gentiles me-
lissauerat, ex camelis columbæ, ex lupis agni, ex leonibus Christi oues
effecti, dictu mirabile, mansuefacti sunt. Quanta in omnibus operibus
consilij & optimi iudicij rectitudo, quàm fida rerum omnium sententia,
& omnium prudentiæ partium insit integritas, multis quidem lubentissi-
me prosequerer, nisi certò scirem illum laudem omnimodam promereri,
quam me illum laudare dignum apparere. vnum tamen celare nequeo; ad-
miratus eius virtutem & eiusdem humilimum insigne & memorabile re-
ferendum puto, quod quidē vt verbis prosequi valeam, edico. Quidam ad
magisterium promouendus cenobita, disputaturus contrariam partem
Sanctissimi Doctoris aggressus est, quam antea Sanctissimus Præceptor in
scholis docuerat, cumq; res delata esset in publicum, eidem cenobitæ di-
sputanti nihil impugnavit, idq; quod maius est, æquo animo ac patienter
tulit, ne verbum quidē vt specimen humilitatis Religiosæ patefaceret, &
honoris gradum quem penitus cōtemnebat celaret, facere voluit; & quod
mirabile dictu fratribus id ægre ferentibus, & eius patientiam, humilita-
tem, tantumq; factum silentio fugatum, & tolerantiam mirantibus, se-
dato animo ac mitibus (vt ei mos fuerat) verbis respondit. Tolerandam
esse potius hanc imbecillitatem ingenij, etenim si tueri mea dicta in tanto
confessu Magistrorum cuperem, verendū certè mihi erat, ne nouus ma-
gister erubesceret, & exsibilaretur. Præclaram certe & laudabilem pa-
tientiam quæ tanta valuit sustinere, præclarum candidum animum, qui a-
lium non cupit confutare; homines plerumq; gloriæ auidi, in publicis a-
liquo dono scientiæ circumfulti laudes assequi consueuerunt; Tu qui nō
modo Theologorum principatu, sed Angelorum tripudijs meruisti gau-
dere, non tantum letitiæ Angelicæ, sed Ecclesiæ Catholicæ lumen effe-
ctus es, attamen non solum non conquiris laudes, sed & honori parcis?
Verum vt Sanctissimus vir humilitatem perficeret, ac obedientiæ ne vide-
retur resistere, amore matris suæ Religionis S. (cui ille tantam gloriam
comparauit) victus, id censentibus fratribus annuit, & in crastinum,
quod silentio obuoluerat discutientibus Episcopis, ea quæ patienter to-
lerauerat repetenda duxit, iisdemq; quæ Cenobita protulerat miro
vocis ac verborum temperamento eò quò docuerat modo contradixit;
Cumq; nouus ille Magister repugnaret, ac tueri pertinaciter quæ dixerat
pergeret, ita Sanctissimus Doctor Angelicus eum summa cum modestia
conuicit

conuicit, vt audientibus omnibus fateri errorem suum cogeretur, veniamq; petijt, ac simul rogauit, vt se verius edoceret. Tanta igitur Viri Sancti patientia, mansuetudo, & animi moderatio, quam incredibilem omnibus qui aderant admirationem attulerit, vel inde agnoscí potest: etenim eâ virtute quam quasi è caueinosis antris eruebat, non solum laudem assequi meruit, sed etiam eximijs mentis & corporis dotibus, animus repletus abundabat, sapientia & vnde nulla sperabantur, (si quidem bos mutus communi omnium Elogio appellabatur) tam grandia scripturarum educebat Mysteria, vt nemo qui ad eum accessisset ineruditus abiret, nemo qui veritatem ad eum oppugnaturus venisset, inuictus abscederet; errorum nidores qui mortalium ingenia contraxerant, effluenti feruenti acrique orationis genere eluere contendebat, & munus debitum nunquam se exsoluisse putabat, donec pulsus errorum tenebris, veritatem (quasi mortalium animos fugientem) Christicolæ omnes erudisset, eandemq; imitandam proposuisset; cuius nanciscendæ gratia non tam in immortalium, quam in corruptibilium naturas (S. Patrem Dominicum imitatus) velut in Columbarum agmen celer Aquila, totus feruens anhelabat. Iam vero vt ad longiora vos non extendam A. O. R. cum alia eloqui non valeam, sat mihi erit, cum eum vobis oculisq; vestris plus Salomone fecisse & docuisse refero, iis enim caruit Rex Hebreorum, quæ ille sublimi & alacri præditus ingenio Diuinitus edoctus fecit, & docuit, omnia referens ad orationem, ope Sanctissimæ Trinitatis & B. V. M. asserens semetipsum proprijs viribus nihil posse consequi suffultus. Sed & quanto honore Sanctos Dei incolas præueniret, eiusdem monumentum reliquit; nam exponendo Sanctissimus Præceptor profunda Prophetiæ mysteria, mæstus animoq; inquietus, non valens difficultatem attingere, ad opem Diuinam Sanctorumq; Doctorum conuersus, ieiunijs & orationibus, abijs exposcebat Propheticum sibi arcanum recludi: meruit voti composcieri, SS. enim Apostolos Petrum & Paulum se certificantes in dubijs obtinuit videre. O doctrinæ splendorem, lumen indeficiens, tu ne marcescere laudem permittes sapientiæ & scientiæ tuæ infusæ? tune contorta tabernaculi tapeta occludere, byssum & purpuram imperabis, lauream sapientiæ emeritam abicies? Angelorum quoq; choros pedes & faciem splendoris tui reuelandos impedies? Permittas soluere, segregare, recludere, reuolare, & tanquam è rota rotam virtutes tuas educere, nam id quod Abrahæ Angelis officium, Ioseph Aegyptijs, Moyses Israelitis, Iob patientibus, Daniel captiuis, tu vniuerso orbi ne dicam quibuslibet Christicolis, doctrina &

sapientiæ

sapientiæ aurea emerita insignitis præstigisti & exhibuisti. Felices dicam
Parentes qui tanto lumine mundum vniuersum Christianum decoraue-
runt, tanto Doctore Ecclesiam donauerunt, felicem Patriam, qui cæcam
illuminauit, suoque clarissimo ortu adornauit felices hos dicam, sed feli-
ciore ordinem meum, quem non orbauit Dominus sole, cui fulgorē tot exagitatum
periculis non ademit, & vineam suam marcidam & squalidam plantatam
in Ordine nostro non reliquit; hanc omnes sapientes summis laudibus ce-
lebrant, doctrinam, & sapientiam, eiusque sacram doctrinam amplectuntur;
nulla apparet autoritas, nullus S. Doctor, qui scientiam eius non cale-
at, nullus est, qui eum impugnante aliquem dum audit, non velit defen-
sare, nullus denique Theologus est etiam profundissimus, cuius Sacram &
summam doctrinam, scientiam non profiteatur, quam tota Eccle-
sia approbavit, omnibusque sectandam proposuit. Efferunt Romani Pom-
peii Magnū, qui cum ex Hierosolimis Romæ Triumphū duceret, inter
alia fercula Pompatica, quæ conuiuū, ornare poterant animosque, conuiua-
rum recreare, Balsamum intulit (teste Plinio) Romanis antea nunquam
visum, id delicijsne Romanorum adscribendum aut aliquo lepori, vobis
A. O. dedicendum relinquo, vnum refero. Nouum Salomonem, San-
ctissimum Præceptorem Angelicum, effert nunc Religio mea, effert, tue-
tur, profitereturque doctrinam, virtutes sectatur alijque sectandas proponit.
Tyronum oculis victoriam de mundo & dæmonum insidijs ac cupidita-
tum illecebris referentem Tyronem, alumnū suū exponit imitandum.
Virili ætate decoratum, humilitatem, patientiam, summam in orbe vni-
uerso scientiam, & sapientiam, (quæ quidquid fuit quidque futurum est e-
docet, ac instruit,) infert non Balsamum Palestinæ corruptibilem, sed cæ-
lestes virtutes, infusam doctrinam, quā totum irrigauit orbem, mores
Christianissimos, ô felix Religio quæ tantum virum, tantū inquam So-
lem lucidissimum (cuius radijs tot in toto orbe Religiosorum Monasteri-
a, tot deuotorum loca, tot virtutū sedes, ac ipsa delubra illustratur) pro-
duxisti. Beatam inquam, quæ non modo ad gloriosissimam vitam laudan-
dam, intelligentiam, sapientiam, scientiam, doctrinam, optata Sacrificia,
orationes, omnesque eius virtutes humanas superantes se vltro confert, sed
etiam eum protectorem tutelarem omnium Christicolarum oculis ex-
ponit. O iterum terque quaterque beatam. Extollit te vniuersus orbis mi-
ratur & prædicat, mihi vero quid prius mirandum se obicit vir Sanctis-
sime, Doctor es Angelicus & meritō, etenim certō certius mihi constat, te
conscendisse Regnorum cælestium loca suprema, coronam de lapide præ-
tioso

tioso, Diuinis manibus miro artificio elaboratam, pro tuis meritis accepisse, Angelorum deniq; vim, doctrinam, secretaq; Diuina occupasse. Sed ne videar lucem addere soli inro. dicam potius radios, suffundere tenebris, nunc iam finiturus Orationem meam, à te Sanctissime Præceptor Ordinis mei Decus eximium, Sol refulgens, Lumen indeficiens, Scientiarum abijssus, ad pedes imaginis tuæ prouolutus suppliciter exposco, non impures crimini sed ruditati & ignorantia, multo enim breuius de te dixi, quam amplissima hæc ferebat de te laudando materia, cuius laudes Sanctissimas virtutes, nec lingua mea valet dicere, nec si velim scribere litera exprimere, aut calamus exarare. Superest igitur cum iam plura eloqui non auleam.

A. O. laudem Sanctissimi Præceptoris me edifferentem non collationat, sed eo libentius signum complacentiæ vestræ præbeatis, persuadens, & maiori eloquio vobis Sanctissimi Doctoris A. Ecclesiæ Præceptoris Sapientiam post hâc possim enarrare, & apud vos Auditores Nobilissimos, Ornatissimos omniumque virtutum genere cumulatifsimos, omniq; Sapientia & Eloquentia refertissimos, maiorem beneuolentiam ac fauorem conciliare Dixi.



Ensignis Thomæ
liber in libro

Biblioteka Jagiellońska



stdr0020117

